

510:
MAHATHIR

1974

KUALA LUMPUR, 15 SEPT. (BERNAMA) — MENTERI PELAJARAN, DR. MAHATHIR MOHAMAD HARI INI MENYERU PARA PELAJAR UNIVERSITI SUPAYA MEMAHAMI HASRAT RAKYAT DAN JANGAN MENGASINGKAN DIRI DARI MASYARAKAT.

WALAUPUN PARA PELAJAR MEMPUNYAI TANGGUNGJAWAB TERTENTU DALAM Mencari ILMU PENGETAHUAN, KEHIDUPAN MEREKA TIDAK SEMESTINYA TERPISAH DARI MASYARAKAT.

SEBALIKNYA HUBUNGAN ERAT PERLU DIJUJUDKAN ANTARA MEREKA DAN MASYARAKAT UMUM, TEGASNYA KETIKA MERASMIKAN HARI TERBUKA KOLEJ KETIGA UNIVERSITI MALAYA DI SINI.

DR. MAHATHIR MENSIFATKAN HARI TERBUKA ITU SEBAGAI SATU LAGI USAHA PARA PELAJAR UNTUK MENDAMPINGI MASYARAKAT.

CARA DEMIKIAN MEMBOLEHKAN MASYARAKAT LUAR TERUTAMA IBUBAPA DAN SAUDARA-MARA MENINJAU LEBIH DEKAT KEHIDUPAN DALAM KAMPUS SERTA MELAHIRKAN HUBUNGAN MESRA.

+INI ADALAH SELARAS DENGAN SIKAP DAN PEMIKIRAN PARA PELAJAR DEWASA INI UNTUK BERDAMPING RAPAT DENGAN RAKYAT DAN MENYELAMI MASAALAH MEREKA,+ TAMBAHNYA.-
BERSAMBUNG 1130/MM

511:

MAHATHIR 2 KUALA LUMPUR

BELIAU YAKIN ACARA HARI TERBUKA ITU DAPAT +MELENYAPKAN SANGKAAN-SANGKAAN YANG KURANG TEPAT MENGENAI KEHIDUPAN MAHASISWA DI UNIVERSITI.+

+KERAGUAN IBUBAPA MENGENAI PENGARUH-PENGARUH YANG TIDAK DIINGINI KEATAS ANAK-ANAK MEREKA AKAN HAPUS SETELAH MEREKA MELIHAT SENDIRI KEGIATAN-KEGIATAN YANG DIPAMIRKAN,+ KATANYA.

DR. MAHATHIR JUGA MENYERU PARA PELAJAR UNIVERSITI MENGADAKAN KEGIATAN YANG DAPAT MEMUPUK SEMANGAT SETIAKAWAN. DISAMPING MEMUPUK SEMANGAT KEBANGGAAN TERHADAP UNIVERSITI BUKAN SAJA SEBAGAI TEMPAT MENDAPATKAN IJAZAH TETAPI BAGI MELATIH PEMIPN-PEMIMPIN MASA DEPAN.

MENTERI ITU MENEKANKAN BAHAWA DALAM USAHA MENGEJAR KEMAJUAN DALAM BIDANG SAINS DAN TEKNOLOJI +KITA TIDAK

SEHARUSNYA MELAHIRKAN SATU MASYARAKAT YANG MEKANIKAL DAN MEMENTINGKAN KEBENDAAN SAJA.+

BELIAU YAKIN PARA PELAJAR SEBAGAI GULUNGAN YANG BERPENDIDIKAN DAPAT MENJADI TENAGA PENGGERAK UNTUK PERUBAHAN DINAMIK DALAM MASYARAKAT DALAM SEMUA ASPEK KEHIDUPAN.

HADIR SAMA IALAH TIMBALAN NAIB CANSELOR UNIVERSITI MALAYA. PROF. AHMAD IBRAHIM.-BERNAMA 1235/MM